

沈乃文 主編

明別集叢刊 第二輯

第五十八冊

黃山書社





國家出版基金項目
NATIONAL PUBLICATION FOUNDATION

「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第五十八冊

黃山書社



(明)文嘉撰

文和州詩一卷

明萬曆十六年長洲文肇
祉刻文氏家藏詩集本

文和州詩

天池

文嘉 休承

天池之山今始到仰首忽見蓮花峯池水潺湲瀉琴
筑石壁截業青夫容春疇連延麥初熟暮嶺迴合烟
已重肩輿催子下山去悔不此地巢雲松

善權洞

石室山人去不返亭亭一柱玉當門飛流實聽雷
閭恆石虛疑虎豹蹲梁帝斗壇荒草積十仙題字古
苔昏聞道潛通三萬里幾時騎鹿看真源

張公洞

福地真傳霹靂開仰空虛實看崔嵬千盤磴道穿深

北和州詩

黑萬古仇池接往來頗恠洞中常見日翻從地底一
登臺聳身忽自厓間出回首仙源悵草萊

石湖八絕次王履吉

范相祠前水接天越溪庄上柳如烟石湖盡是青油
舫不數西湖有画船

行春橋影臥長虹落日波搖萬頃紅山似蓬萊人似
玉杖藜徐步水晶宮

拜郊臺迥棟蒼天茶磨峯高凌紫烟一線太湖雲外
見萬家烟火望中懸

補陀巖下石梁橫醉臥能令萬慮醒亦有蒼藤懸日
月只無江峽聞雷霆

澄碧樓高盡面湖草堂清寂坐虛無倚闌烟水皆鷗

鷺拂檻松杉掩画圖

鷓鴣鵲滿晴沙紅杏天飛亂着花十里湖山開画
障一雙小艇載琵琶

村前村後幾家住家家飛杏花如蒸偶然來上岡頭
望鷄犬桑麻似武陵

湖上羣山濕翠濛寺前楊柳綠烟濃越王臺榭千年
恨估客帆檣萬里通

寒山寺

春尋古寺幽相與話前修名豈寒山得詩曾張繼
曲樓鍾虛夕照橋影急河流尚恠石龍柱挈雲勢未休

蘭亭

曲水蘭亭宴風光屬暮春豈惟酬勝賞聊用樂嘉賓

文和州詩

酒罰杯無筭書成筆有神翻憐金谷會回首跡俱陳
泛長蕩

孤舟穿葦去水薄動寒沙水鳥時集樹鐵羊晚到家
浮游波上梗飄泊浪中花惟有青山色依然一道斜

已酉冬夜同大姪宿夷亭舟中有懷幼子

臥穩舟如屋更長夜似年懷人聞過雁燒燭檢新篇
犬吠疎籬外潮生曲港前相携阿咸在聽雨得同眠

清湖洲

清湖洲上草痕青沙水流成文字形萬古波濤終不
改舟人指點說寒汀

金牛寺

金牛泉畔古招提常日來遊路不迷問斗尋源幾人

到春風春雨鷓鴣啼

梅林渡

梅林渡口幾頻過水面曾看利涉多萬樹瑤華千尺浪隔江山水鬱差我

追和元雲林倪徵君江南春詞

三月江南薦櫻筍鷓鴣鷓鴣迴塘靜蛛絲縈空網落花雲毋屏寒浸嬌影簾外沉沉春霧冷綠羅欲覆花間井泥金小扇幃紗巾画橋紫陌踏芳塵花開遲水流急江島對眠莎草濕吳姬如花不及摘花咲映溪流碧楊柳烟籠萬家邑柳下王孫爲誰立幽渚泥香生綠萍閒看梁燕壘經營

婁江

文和州詩

婁江流水渺蒼烟無限晴波滿目前冉冉時看鷗鷺下悠悠疑與海天連風濤隨處喧行客舟楫還能濟巨川我欲因君泛溟渤乘槎直到女牛邊

虞山七檜

虞山山下七株檜云是梁年天監栽落落離立老氏廟森森遠映昭明臺風生似聞豺虎聞雲起直訝蛟龍來莫言委棄未得用已見磊落俱奇材

岳陽樓

突兀高城俯碧流城頭縹緲接飛樓坐看汶泗雙波合隱見龜鳧疊嶂浮賀監清真應不泯謫仙詩律若爲酬憑闌無限懷賢意目送孤鴻度遠洲

白燕

雙燕翩然下竹扉曉簷霜羽弄輝輝誰言白鳥非玄鳥肯信烏衣是雪衣小院風輕迷蝶去滄江日暮伴鷗歸也知自惜奇毛羽不向朱門汗漫飛

與友人釣魚

曠野煩襟豁青天素月流不因同二阮那復此奇遊磬石偶余契絲綸亦漫投平生釣竿興隨地可銷憂

毘陵道中

暫弭毘陵楫來尋隱者居門前一池水案上數函書回就雲生壁詩成月在渠盤食莫蕪味聊爲摘園蔬

雪浪閣

雪浪閣前明鏡開崇元觀裏一徘徊松風潭月依然在只欠仙人跨鶴來

文和州詩

螺子山

螺子山臨北渚湄吾家丞相有新祠停舟展拜斜陽裏一壑松風冷髻絲

快閣

泰和快閣初登處極目江流樹外平記得涪翁當日語澄江一道月分明

蕉石軒

太湖石畔種芭蕉色映軒窓碧霧搖瘦骨主人清似水煮茶香透竹間橋

桃源圖

偶然避世住深山不道携家便不還却怪漁郎太多事又傳圖画到人間

縹緲峯

縹緲峯高幾千丈太湖隔絕欲登難風烟每向詩中
分秀色今從面裏看石洞幽玄林屋杳巖嵐層疊莫
忘寒杖藜何日捫蘿上萬頃平臨縱大觀

小齋蘭花忽開並蒂幼于有詩湯尔次韻書去
索笑非以角勝也

久知無喜到貧齋底事幽蘭並蒂開豈有芳馨結良
友端憐契分及凡材差差碧葉同心出冉冉清香兩
鳳來回首湘江隔烟霧楚歌何事尚餘哀

望廬山

長夏艤舟謝子港正見廬山水面橫隱隱香鑪浮紫
翠茫茫彭蠡蕩虛明雲烟誰辨東西寺道路空懸去

文和州詩

五

住情三日紅頭看不厭茲遊真足冠平生

鄱陽湖

彭蠡茫茫欲渡愁趙家園畔繫孤舟深林禽鳥春偏
樂古岬電鼉晚自遊形勝已看吳楚接江湖空抱廟
廊憂莫從道路嗟萍梗且進風前白玉甌

峴山懷友

暮春三月鳥關關乘興來登湖上山碧浪差差浮翠
靄道場隱隱結蒼鬟已無蓮宇荒筠外猶有窪樽夢
草間莫訝臨風倍惆悵故人何在獨躋攀

月夜同友人登盤門城

盤關自昔雄吳郡與客携壺次第行孤塔苔荒撐碧
漢萬山迴合遶秋城河流急映星初見雲樹依微月

倍明取醉但願今夕興升沉莫問古今情

與子元長卿月下訪道園上人坐月白齋

乘興叩禪關蕭然水竹閒路危應九折屋住只三間
齋白月懸鏡花明菊破顏茶香鮮留客深夜不知還

郭侍御子靜謫永安

直疏干明主孤臣謫異方寸心元自赤遠道敢辭長
雲皎武夷月風清閩嶠霜丈夫開萬里好去關豺狼

水逢故人

萍逢得故友水宿感烟波笛起關山弄杯停子夜歌
竹深防卧席江近有鳴鼉興劇渾無寐翻憫月色多

題石田品泉圖

唐子西云水無美惡以活為上故中冷第一

文和州詩

六

惠泉次之茶鄉乃欲抑江扶惠宜其不能服

石田諸公也幼于此卷索題因次韻以復
江水山泉偶並嘗新茶初試得清忙已欣陸子能題
品更喜吳君為較量揚子江心真活潑惠山巖下有
清香不須調水將符過千古清風自不忘

送蔣僉憲之楚中

昔年離別豫章城今日吳門又送行顧我衰頽成潦
倒憐君隨處有逢迎碧虛舊夢金陵月紫綬初垂楚
甸纓蘭棹徘徊莫道發故園楊柳正關情

送顧從化赴荆溪書館次孔加韻

早春江上看雲生顧况仙舟此日行聞道傳經諸子
秀遙知孤坐一燈明山晴預蠟登烟屐茶熟先尋煮

王鎬世事近來君莫問一編西去好爭名

贈幼子廬墓

埋玉空山裏終天恨可知結廬墟墓側草木動深悲
白日哀號地黃昏風雨時劬勞與念慮忍誦蓼莪詩
首夏寒玉亭有懷伯起

春去綠陰成猶聞春鳥鳴雨滋庭草色風度壁琴聲
靜裏流光轉愁中白髮生偶來成獨坐念爾若爲情
寺夜子庸有懷戲與聯句

月明古寺已黃昏孤笛聲傳自遠村休承憶得玉人
籠翠袖秋城西畔倚閒門子庸

奉次伯起有懷之作

春山隱隱澹脩眉綽約丰姿冰雪肌聲度曲中楊柳

文和州詩

七

恨行移月下牡丹枝絕憐公子頻中酒况復蕭娘最
愛詩別後驚魂殊不定可堪連夕雨絲絲

至日子庸振伯小集

木落曉霜涵鄉園日又南親朋欣偶集雲物麗相添
飯煮西湖米香分閩嶠柑不須辭酩酊海國戰猶酣

和唐子畏韻

我昔曾過桃花菴菴中常遇桃花仙吟詩寫畫茅茨
下留客時時費酒錢詩成每向壁間寫酒醉常來榻
上眠春風回首今幾歲屈指經過五十年人生萬事
何足問但願有酒常花前世人妄想慕富貴不知富
貴多前緣窮通得喪固有命貧富壽夭皆由天誰云
富貴勞且忙貧賤驅馳亦不閒高車駟馬衣服鮮奔

走紅塵襪履穿若耍心閒衣食足惟有歸耕百畝田
初歸志喜

歸來三徑未全荒拂拭重開舊草堂紫几淨揩明似
鏡研池新浴燦生光客來親戚情多悅老去詩篇意
未忘莫道歸遲遲亦好猶勝終老滯他鄉

鄧道士吉甫謫廣西

吉州喜見志完生危行危言世共驚千古高名垂宇
宙一時正論重簪纓投荒萬里誰還惜去國孤身念
已輕我忝相知自疇昔新詩欲賦愧難成

雜題

空江木落思悠悠閒傍蒹葭弄小舟一段清光君獨
占底須回首羨輕鷗

本和州詩

八

跨馬出郊春尚寒飛流千尺下清湍赤欄橋在垂楊
外付與幽人盡日看

品泉嗜水陸鴻漸墨妙筆精王右軍烹茶寫帖關幽
興日暮看雲懷二君

巖壑層層生紫烟飛泉曲曲下晴川孤琴獨抱何須
鼓流水高山在目前

杜鵑花盛開友人携酒賞之賦此

歸來堂上爛霞明十尺杜鵑開午晴蜂蝶尋芳入朱
戶美人侵曉摘繁英使君已訝甌東種逸士空談閩
嶠名喜見南鄰携榼至園花傾酒倍多情

渡太湖

九秋霜淨冷振蒲落日扁舟渡太湖震澤波濤看底

定三江風浪接虛無亂山點點浮蒼玉遠雁雙雙下
綠蕪蝦菜幾時歸范蠡眼中披豁見雄圖

虎丘待月

爲愛西丘郭外蒼春來三度到山堂看碑每憶顏刑
部對酒難忘白侍郎石裂道傍誰試劍舟迴溪上客
鳴榔徘徊不是遲歸去要待中庭月一方

七夕

七夕年年乞巧同紛紛祈請走兒童中宵白氣誰能
辨萬古牽牛肯向東樹外綵樓雲縹緲庭前瓜果月
朦朧老儒不用蛛絲喜抱拙携尊醉晚風

羽客載茗

路出華陽遠冠猶碧玉低輕舸載茶具送我過荆溪

本和別詩

九

山齋二首

山齋雨坐湯焚香几爭窓明竹樹涼午睡起來無一
事自翻殘墨寫瀟湘
掃地焚香閉閣眠簾紋如水漲浮烟客來夢覺知何
處掛起西窓浪接天

題陳道復畫

襄陽墨潘未曾乾十里瀟湘五尺寬樵斧不禁苔徑
滑漁簑常傍水雲寒澄澄僧眼連天碧澹澹蛾眉隔
霧

子陵釣臺

壁映江開落日停舟上釣臺清節已看垂萬
何意動三台林間冉冉青松滿烟際飛飛白

鳥來莫向風前倍增感古今名跡幾蒼苔

靈谷寺

帝京雨過氛埃淨下馬來忝第一禪松逕入門猶十
三袈裟布地已千年諸公寶塔金身在吳偉長廊粉
畫全雲氣常凝陵寢近閒看白鹿下蒼烟

贈陶見塘邑宰

望裏塘非遠悠然紫翠橫水禽飛不定春草夢中生
苔雪溪流潤江臯峽浪平近聞消息好花蒲錦官城

贈承天理上人方池

高僧住畔有方池片片慈雲映碧漪長日誦經臨水
坐鳥啼花落不曾知

題桂花圖期基聖大姪

文和別詩

吾家二祖舊爲郎相繼登朝立廟堂老我已無繩武
志阿咸好去續天香

彭思菴絕粒百餘日矣茲將登岳陽樓過吳言

別題此爲贈

羨君絕粒事清修袖拂紅塵隘九州東泛已輕揚子
渡南行期上岳陽樓逍遙欲棄人間世浪跡真成汗
漫遊我亦采真元有意相携何日到瀛洲

贈徐中洲

徐市求神仙入海竟不返蓬瀛渺雲濤相望歲華晚
中洲海上來眉宇青天開手持白羽扇笑上黃金臺
羊裘客燕巽出入侯王里長揖公卿問飄飄紫雲起
北渡黃河津洛陽多故人終然無所遇歸臥西湖濱

西
市遊相逢正清秋無人識梅福長嘯空悠悠
何連子世事皆如此生計五湖烟功名一杯水
拂城虹相思何處逢儻騎雙白鹿招我五陵東

尹陽草堂

卜築尹陽下躬耕非所嗟風烟元水竹雞犬自來麻
波引太湖近橋橫寶帶斜扁舟吾數到不及尔為家

後溪

卜築清溪後依然水竹間臨流看泛泛隔屋聽潺潺
村市小橋接危樓暮嶺環紅塵元不到不用掩柴關

採蓮詞

棹棹若邪津紅妝映水新歌聲何處起愁殺采香人

采和州詩

二

共入荷花去隔花聞笑語擊槳濺紅裳同來采蓮女
秋水灘灘碧荷花渚渚香蕩舟莫擊楫沙上有鴛鴦
雙雙采蓮女各有各春心誰歌竹枝調春心應更深
朝朝采蓮去暮暮采蓮歸朝暮空相守思郎心欲飛
采蓮復采蓮花盡恐傷藕撥棹出花去女伴爭前後
舟中采蓮女岸上游冶子兩意暫相窺無由得雙美
妾欲向花語花應對妾羞溪花與溪女相妬幾時休

兩亭

兩亭渺何許乃在西湖濱昔人雖已遠亭名今尚新
望湖莽烟水白鶴開嶙峋君能仰遺躅弔古披荆榛
慷慨懷往士高風薄秋旻躬為兩亭主揖讓烟霞身
誰敢攀逸駕聊用追芳塵

聞雷記事

甲辰臘月月幾望雨臥滄江聞夜雷豈是潛陽從地
復却疑行令自天垂烽烟西北憂方始飢饉東南力
已摧白髮野人愁不寐起傾餘瀝盡深杯

送吳海峯吏部服闋北上

吳苑春風動征帆回鵲催移忠孤念切許國壯懷開
粉署班猶接金臺轂已推邊陲正多事君有濟時才

送朱希直嘉興教授

攜李之官去還欣士得歸土風知尚古鄉語聽常疑
相望只一水來游定分襟吾不恨好訪買臣遺

送月泉上人還荊州承天寺

兀兀春寒睡起遲叩門來索月泉詩吾師欲了西來

采和州詩

三

意月在青天水在池

三載南遊興渺漫扁舟渡海更忝禪補陀岩下蒼蒼
月還與山僧夜照泉

題扇贈友人會試

畫鞭約伴看花來紅杏牆頭萬樹開三月曲江春似
海好將新賦獻蓬萊

華補菴服闋北上分得春草自應知

春草自應知春風送客時可堪南浦恨愁詠北征詩
水遠花飛急天長雁去遲迢迢江漢意芳杜不勝思

虎丘與補菴叙別

夫子王佐才金門晚通直騰蹇起當年骭髀辭鄉國
忽枉惠山棹別我滄江側因為虎阜遊談笑開胸臆

俯拾澗壑孫仰攀鴻鸞翼同遊名勝山川互生色
臨別意難窮功名在努力而我笑非夫老驥空嘶勒
安得從君揚周遊覽八極

滕王閣

帝子久寂寥江花自開落我來讀殘碑流雲掛虛閣

夜渡湘水

蕭湘一望白雲長梧葉蒼山似故鄉月色清空聞夜
漁歌幾處微秋霜

湘浦聞猿

江濶淒風起飄飄一舸輕嶺猿斜日裏猶作斷腸聲

湘江有懷

湘江湘水深如許隔岸佳人隔花語語罷月明秋滿

天斷續猿聲何處所旅魂夜夜到鄉關覺後相思仍
楚山幾番欲買君王權愁見湘姬竹上斑

詠趙主林燈帶

細剪水紋疊浪輕縈絲縹繞雪英英霜凝雲母瑤花
亂水浸玻璃玉片平白燕舞風憐綺袂素娥乘月撫
銀箏瑤臺此夜真如到不向龍宮夢水晶

芝田

燁燁紫芝秀續紛生玉田氤氲結和氣蕊鬢靄祥烟
雲葉經春暖靈根帶露鮮芳華堪采掇服食侶群仙

樂野

吾慕樂野子蕭然與世違青林玩流水白板掩柴扉
雨過知花落風晴看鳥飛閒來鋤菜甲勝採北山薇

登曜山絕頂

展游遂上曜山巔登頓危崖鳥道懸沃若川原紛瞻
望清連湖水共澄鮮圖經誰辨千年後世哲空懷百
代前惆悵偶來還即去無由獨往往蒼烟

送張子行北上

籍甚張公子聲華落九州十年文共校一日筆先投
已展題橋志兼無去國憂吳門花柳暗看爾覓封侯

送朝溪北遊

君家谿上舊通潮北去還憐道路遥新水正逢春浩
蕩晚山初見霽岩堯帆開澤國烟濤壯雲接蓬萊紫
氣高惟有別離情不極綠波芳草共迢迢

南巖

幽人北築碧山下草堂正傍南岩開烟霞時從几間
落雲氣每向窓中來倏然東籬採蓮去倦矣西澗携
書回何當日暮一矯首芙蓉削去高崔嵬

送楊州李君之任分水

聞君分水去動我壯遊思山聳慶雲峻溪流天目遲
浙濤應慎渡越樹好題詩儻過桐江上無煩問釣絲

桐山

卜築桐山下蕭然一徑深門開蒼霧合窓鎖綠雲陰
風至洗塵意月寒清道心蹇予思獨往石上鼓瑤琴

今日

今日復今日今日何其少今日又不爲此事何時了
人生百年幾今日今日不爲真可惜若言姑待明朝

至明朝又有明朝事為君聊賦今日詩努力請從今日始

明日

明日復明日明日何其多日日待明日萬事成蹉跎世人皆被明日累明日無窮老將至晨昏滾滾水東流今古悠悠日西墜百年明日能幾何請君聽我明日歌

無題

白羅輕扇映芭蕉翠帶無風也自飄一段愁心付江水魚書欲寄恨迢迢

月明庭院已昏黃團扇風輕夜漸涼自折花枝調鸚鵡不知金殿鎖鴛鴦

文和州詩

一五

桂枝風冷夜悠悠皓月呈空五采流莫恠停砧不能寐從來閨閣怕逢秋

宮樹輕霜葉葉丹御溝流水自漫漫一從韓媛題詩後時有行人立馬看

春寒惻惻理宮粧雙燕歸來繞画梁風暖畫閨人不到碧桃花下舞霓裳

赤闌橋下水悠悠綠樹層陰逕草幽不是西施美飄戲愛將嬌影照清流

瑤編曾覽梅妃傳素筵新窺點頰圖不似孤山渾寂寞橫斜疎影照西湖

送張立菴邑侯應召之京

清秋風動起新涼驄馬鳴珂入帝鄉三載政聲傳邑

里九重徵召起循良臨民譽在還霄漢濟世才能佐廟廊簪筆朝朝侍丹陛好將民隱達吾王

送崔德卿北上

寂寞一杯酒送君千里行郵亭不折柳上苑好聞鶯崔君少年不得意航濶江湖美烟水晚將經濟入承明欽見風烟五雲起吳王城邊秋雨晴長河八月波濤平丈夫晚達君莫恨今日朝廷重老成

天泉

誰見黃河天上來黃山一派接蓬萊飛流直下三千丈倒捲銀潢雪水迴

九日遊勝感寺訪月寮上人

九月九日勝感寺載酒携琴訪遠公古柏參天氣蕭

文和州詩

十六

爽疎林搖日亂青紅山河指點風烟異雲物登臨感慨同予亦佳名愛重九只無述作繼陶翁

端午日與羅念菴登郡樓

佳晨五月逢端午與客攀躋上郡樓西去群山龍欲走東來諸水海常流登臨已愛真吾土騁望還能銷客憂北首長安瞻咫尺浮雲隔斷渺予愁

白牡丹

濃香過京洛幻此水晶盤承露春風冷尤宜月下看

木筆

紫艷吐朝霞書空咄歲華何當簪爾去日日草黃麻

紫薇

庭下紫薇花點點凝腥血何如獨對時浸此一鈎月

萱

愛爾北堂花秋來色逾好我有懷親憂無由為子掃

次孔加韻贈田金吾

京兆田郎尉青山早拂衣詩成惟自詠集罷已忘機
案几頻開畫風烟半掩扉空庭見黃葉猶自一山飛

和吳射陽帝京樂

秣陵自昔好秋光風落天芬滿路香雲月家家搖彩
筆別花殿慶闕紅粧畫舫競泛秦淮水寶馬爭馳蹴
踞場莫道近來雕敝也笙歌日日醉重陽

舟中書所見

南京小女嚙青蛾嫁得浮雲水上過坐在枕樓渾不
語祇應雙袖濕青羅

文和州詩

二七

題刻絲蟠桃壽姚秋澗母

織女機絲刻畫勞天孫雲錦爛雙桃瑤池不進尋常
筆剪得鰕人一片綃

同許仲貽趙鷺洲王同橋秦淮秋泛之作

秦淮水色湛氷壺共泛扁舟入渚蒲山迤石城天塹
遠江涵秋影地維孤誰聞沙上歌商女每向波間憶
壯圖爛醉笙歌棹頭去汀禽沙鳥漫相呼

芝溪

燁燁靈芝傍碧溪澄波涵玉漾玻璃幽貞不作明堂
供白鹿時來護竹堤

送趙循齋入覲

十月江南天雨霜萬方玉帛會琳琅河流已喜波濤

息茂苑元知惠澤長舉世幾人先廣漢朝庭今已
明堂臨岐不盡瞻迴意拭目林間睇鳳翔

南溪

溪南有茅屋日日面溪流有時倚檻觀白鷗白鷗飛
處青山秋不妨坐釣垂直釣徜徉泉石忘吾憂

送劉玉橋北上

歲晚江空岸草枯故人舟楫向皇都相逢不盡相違
意寫得天寒欲雪圖

送燕華山會試

燕君策馬向燕山霄漢蓬萊咫尺間無奈春風催獻
賦桃花一路照朱顏

石橋別

本和州詩

二八

愛此白石梁况對橋上月携手素心人而於此中別
歸來明月還照我光濕瑤階露華墮踈鍾不鳴偶回
顧嚴城層層已深鎖

暮相思

暮歸月在庭庭花已漸發不見月中人悵望花間月
春雨憶孔加

濛濛細雨集洗滌此幽林虛館絕塵想緬焉懷同音
綠草已盈砌芳醕聊自斟欲往限南北褰裳畏泥深

人生豈有涯歡會當及今無由駕耿抱撫事獨沉吟
虎丘月下送子任赴湖廣憲副

奉使遠持三楚節乘春同作夜山行月浮皓彩天中
見塔繞紅燈樹裏明山色溪聲終古在賞心樂事幾

人并酒闌不盡相違意愁見江頭春水生

陳氏園次韻再送子任

風裏垂楊枝弄柔城闌偶集野堂幽已過佳節愁芳
會又續林燈作夜游杯色盈盈滿酒歌聲嚶嚶隔
花喉武陵桃源花正好此去君應無別愁

送人之金陵

送子秣陵去風烟我舊遊青山雲外寺綠樹水邊樓
塵榻家下新詩處處留鳳凰臺尚在莫負酒如油

送顧小川典籍使代還朝

星槎八月迴閭闔九天開暫弭吳門楫同啣江上杯
滄洲吾尚困青鎖爾真陪自悵風塵侶還憐霄漢才
清秋楓葉赤難思香難裁既愁津樹遠復恨逝波催

本和州詩

九

他時相憶處明月照疎梅

送陸玄岳安州別駕

陸機詞賦擅東吳小試卑官鬱大儒易水風烟應似
舊悲歌今有昔人無

一官潦倒易河東簿領紛然嘆道窮聖世百年思禮
樂豈無真識薦王通

○ 蠶葉圖

桑葉春半葉離離米糲盈筐手自持頻視蠶稠秋葉
盡肯從桃李問花枝

五湖

浪接五湖天澄波凝紫烟蕙葭明遠淑鷗鳥下平川
吟玩天隨句虛無范蠡船一鐙消日月彷彿御蓬仙

送周公瑕之金陵次張伯起韻

仲夏園林草木長花間把酒別周郎風塵早已侵愁
鬢柔劒行看上野航賦馬卿才未達校書劉向筆
逾蒼只應後夜秦淮月兩地風烟照渺茫

送人游襄陽東岳

清秋掛帆去汗漫采真遊古洞尋三秀仙壇散百憂
風烟元冉冉雲物共悠悠疎豁憑誰寄應登黃鶴樓

病

不謂愁傷肺能令意少歡酒杯渾欲廢書卷厭頻看
事數驚新變衰猶着舊冠壯心零落盡高枕且加餐

送凌道山應召之京

文聲馳故國政譽霽宣春丞相知名舊銓衡得士新

本和州詩

手

定逢調鼎鼎寧復父風塵不盡相違意臨歧一愴神

送華補菴九江還朝

九江欣報政虎阜悵維津績比清流潔情隨白髮新
臨高望曠望撫石愛嶙峋莫訝難為別分襟迹易陳

送門神次石田先生韻

衡門執戟兩開兵澆酒逢除漫爾榮四序相隨如有
戀一年同住豈無情幾因風雨銷金鎖不為馳驅損
赤纓自古功成身合去肯將流落怨時明

送江陰趙宰

澄江三載嘆賢勞果見徵書起俊髦千里長江增保
障百年吾道立高標堂陰歷歷群黎愛行色蕭蕭匹
馬遙此去五雲知柄用好陳彫敝答清朝

成化間海南進紅鸚鵡石田先生見而圖之近
予友顧君亦於海南得二翼朱衣翠裳觀者驚
嘆惜不能置之上方耳昔昌黎感二鳥而作賦
予又嘆斯鳥之不遭也

何處珍禽繫碧籠綠衣今已換腥紅聖王方重禽荒
戒零落朱衣野草中

畢潭

畢潭潭邊我屢過風烟近日復如何曾携艇子狎鷗
鷺每憶汀洲足芰荷主人况是陸魯望愛客能為漁
父歌沙明水碧無由往羨爾全家住薜蘿

贈陸虛臯

住近伯通橋烟霞隔市朝齒臨三老近欽赴八公遙

次和相詩

主

月白時聞笛風清或聽簫承家有賢嗣知不混漁樵

送湖廣族人還

吾宗有賢秀迢遞自衡來遠道兼程發孤舟隔歲回
江潭雙目送春渚亂雲開我亦思先德無由掃綠苔

次錢叔寶韻題鳳山扇

綠柳差差長天飛故故飛燕翻波共掠鷺宿者同依
風外荻芽亂沙邊雲影稀吳娃莫蕩漾潏水濕紅衣

舟雨

日日舟中住兼旬雨勢狂夜蓬驚滴滴曉溜厭浪浪
直恐蛟龍起深愁鳥雀藏垂垂正未已何處覓驕陽

蔣氏西園

聞說西園勝風烟近若何蜀山連嶺秀鼃盡引源多

水竹饒魚鳥波塘足芰荷買田吾儻遂乘興數來過

次張伯起韻

偶向溪邊共繫舟風烟隨地得同遊雲開畫圖千山
秀雨歇銅棺五月秋踪跡飄搖疑梗梗湯乾坤浩蕩與
身浮莫言鐫酒論文事煮茗焚香事更幽

贈朱鎮山

君有經綸志今為廊廟材風烟鎮山在竹樹野堂開
隱几浮蒼靄携書映紫苔暎塗茅塞久煩與闢蒿萊

寄吳半溪

荆溪溪上碧烟虛最愛吳髯水竹居半畝清池堪引
釣一窓疎影礙臨書每因月出常穿徑幾為花開小
住車回首風煙秋欲暮題詩問訊近何如

次和相詩

主

